

XI.

SALVE REGINA.

Aus der papierhandschrift der Tübinger universitätsbibliothek (M. d. 123. ol. 1489) in klein octav, geschrieben 1496 und 1497. Das buch, welches früher der Hainrich Linckin, später der Hillaria Hagin, ferner den Jesuiten in Ellwangen gehörte, enthält eine sammlung von gebeten und betrachtungen. Die zeilen bei dem Salve regina, welches ich daraus mittheile, sind nicht abgesetzt. Anfang der hs.: Es was ain würdiger Babst da der sterben solt da fragt er seinen Capplan. Schlufs: Zuo den freuden hellff vnns der aller höchst vnd hailigster Cristus Jhs von ewig zuo ewig, Gebenedeyt vnd gelopt sey got Amen. 1497. Über ähnliche glossenlieder vgl. Mones quellen und forsch. I, 109 ff.

bl. 82 b. *Das Salve Regina volget hienach, vnd bey yedlichem wort besonner zwen vers teütsch darüber gemacht nach dem text gar lieplich vnd andachtig zü sprechen von der müter gottes.*

Salve

Gegrüssest seystu, aller enngel fraw,
Der claren gothait süsser taw!

Regina

Künigin der armen cristenhait,
25 Nymm von vnns sünd vnd alles laid!

Mater

Ain müter gnaden vnd trostes vol,
Tröst vnns, alls wir dir getrawen wol.

Misericordie

50 Der barmherczigkeit ain schrein,
Lasz vnns er ennd dir beuolhen sein!

Vita

Das leben, daz du hast getragen,
Wol vnns gnädigklichen ratt sagen!

Dulcedo

Süssigkeit, der wir begern,
Well vnns dein liebs kind geweren!

Et spes nostra

5 Vnd vnnsrer hoffnung an dir leytt.
bl. 35. Lasz ez vnns geniessen alle zeit!

Salve

Bis gegrüset, du schöne morgenrött,
Kumm vnns zuo hillff in aller nott!

Ad te clamamus.

Zuo dir schreyen wir zuo allen stunden:
Bitt, das vnns dein kind durch sein wunden

Exules filii Eue

Ellende kinder Eue der allten
15 Wölle ewigklich behallten.

Ad te suspiramus

Zuo dir seüntzen wir fruo vnd spat:
Erwirb vnns applas aller missetat!

Gementes

20 Klagend bitt wir fleissigklichen von dir:
Verschmäh nit, junckfraw, vnnsrer begird!

Et flentes

Vnd wainend ruoffen wir dich an:
Lasz vnns dein gnad durch hillff verstan!

In hac lacrimarum valle

In disem zäherenden jamertal
Vnnsrer guothait ist clain vnd schmal.

Eya ergo

Eya darumb still vnns den zorn,
30 Der vnns von Adam ist angeborn.

Aduocata nostra

bl. 35 b. Vnnsrer fürsprecherin, verlasz vnns nit!
Sih auff vnns am jungsten gericht!

Ad nos conuerte

35 Zuo vnns ker sy an vnnsERM ennd!
Die veind der selen von vnns wennd!

Et Jesum

Vnd Jesum, des du mittler bist,
Erbitt, daz vnns nit schad sein list!

Benedictum fructus ventris tui

5 Die gesegneten frucht deins leibs so rain
Allen sündern grosz vmd clain

Nobis post hoc exilium ostende

Zaig vnns barmhertzig sein!
So müg wir mit dir kumen ein,

O clemens

O millte muoter, in sein reich,
Vnd mit dir leben ewigleich!

O pia

O du güttige kaiserin der eren,
15 Des wir von gantzem hertzen begern.

O dulcis

O süsse mandelruot,
Hallt vnns allzeit in deiner huot!

bl. 24.

Maria

20 Junckfraw rain ob allen frawen,
Erwirb vnns, daz wir werden schawen,
Du muoter gottes vnd raine maid,
Mit dir die hailig driualtigkait!

Amen.

25 1496 jn die sancte Otilie per me M. S.